



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

CONTARE CUN SU SMARTPHONE, UNU CONTEST DEDICADU A IS GIÒVANOS PRO ISPERIMENTARE IS LIMBÀGIOS NOOS DE SU TZÌNEMA

Naschet in Quartu su Phone Video Fèstival, su primu fèstival tzinematogràficu dedicadu a s'innovatzione in is artes visivas a traessu de s'impreu de is trastos digitales de ùrtima generatzione. Un'initziativa importante, chi mirat a tratzare tendèntzias noas e a intertzetare is energias bias de sa sotziedade, ponendiddas in unu progetu ambitziosu e inèditu: acrobadu a s'initziativa b'est difatis su contest “Contare cun su Smartphone”, cuncursu tzinematogràficu de filmados girados petzi a traessu de su smartphone, giradu a is categorias under 25 e over 25. S'initziativa giuta dae in antis dae s'Assòtziu Entes Locales cun s'amparu de su Comunu de Quartu Sant'Aleni e cun su contributu finantziàriu de sa Regione Sardigna, s'avvale de sa direzione artistica de su regista Giovanni Columbu, de su cale naschet fintzas su fortunadu atuamentu de su contest, giradu mescamente a is pitzocas e a is pitzocos “nativos digitales” chi bivent sa cuotidianidade in istrintu raportu cun s'issos telèfont. S'idea est sa de isvilupare limbàgios narrativos diferentes orende a sa realidade, agatende solutziones originales pro contare custu chi càpitat a inghèriu a nois. Unu disafiu a metade intre s'innovatzione culturale e s'esperimentu sotziale, capatzu de fàghere istupare talentos noos e istiles noos in s'àmbitu de is noas fronteras de su Tzìnema. Partetzipare est simpre: at a bastare realizzare un'istòria filmada cun su smartphone pròpiu, de no in prus de 5 minutos e cun risoluzione de a su mancu 1080p, carrighende su trailer in sa pàgina Facebook o Instagram pròpia taggando sa pàgina de su Fèstival: @PhoneVideoFestival. Totus is info sunt presentes in s'avisu publicadu in su giassu istitutzionale de su Comunu de Quartu Sant'Aleni